

Ч. 48. (83.)

Крыница, четверг дня 19. грудня (6.) 1935.

Рок II.



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко” Крыница.

Всіх читателей, котры не вплатили ище пренумераты, просиме выровнати якнайскорше рахунки.

Также просиме присылати членскы вклады до Лемко-Союза.

Кто хоче достати иллюстрированный **Календар** „Лемка” на 1936-ый рок, нехай присылат якнайскорше гроши.

Ціна одного календара выносит **50 гр.** При замовлєнях 10 календарей покрыват редакция оплату почтову.

Пренумерата в краю:

30 грошей місячно,

80 „ квартално

1-50 „ полрочно,

3 зл. рочно.

В Америкы: 1 дол. рочно.

В Чехословакии:

2 кор. місячно, 10 кор. полрочно,

20 кор. рочно.

Кonto чековe Нр. 404.155.

## Перед общим Собра- нєм членов Лемко-Союза.

Як уж подавали мы в попередных числах Лемка, обще Собранє членов Лемко-Союза отбуде ся в неділю дня 22-го грудня о год. 10-той в поміщені Руской Бурсы в Горлицах. Перед собранєм будут отслужены св. Литургии.

В остатных числах Лемка подано статут Л.-Союза и читателі мали можность познакомити ся с цілями, для котрых основано тото Т-во, як и способами, якими стремит Л.-Союз до осягнення тых цілей. С текстом статута годит ся напевно каждый незбалачувач украинском лженауком лемко и тому сподіваме ся в Горлицах численного с'їзда, тым больше, же єст то перше обще собранє и на нем будут обсуджати ся важны діла, относячи ся до нашего культурального и экономичного житя.

## Руский Рольничий Союз.

Под таком назвом основало ся, взглядно отновило ся Т-во, маюче на цілі организувати и об'єднати руске селянске населенє на господарчой платформі.

Справа поднесеня рольничой и господарчой культуры нашего села, а тым самым справа поднесеня єго покупной силы єст в теперешну пору незвычайно актуальна. Увага теперешного правительства єст звернена передовсем на хозяйственну сторону житя села и то само єст уж доказом важности порушеной нами sprawy.

Наше населенє не може однак стояти с заложеиыма руками. Оно мусит проявити достаточну волі и енергии, чтобы могло организовано выступити в обороні интере-

сов рольничой версты и купными силами двинути наши подупавши господарства.

В той цілі каждє руске село в Галичині, аджек и на Лемковщині повинно основати у себе кружок Р. Рольничого Союза. В кружку под проводом фахового инженера-агронома буде вести ся наука улущеня метод сельской господаркы. Крім того кружки могут организувати предприятия переробкы сельских продуктов и предприятия, котры будут достарчати предметы для сельского господарства, закладати фонды асеккурации рогатого скота, закладати и вести склепы, подлягаючи контролі головного правления Т-ва и т. д.

Поле діяльности кружка Р. Рольн. Союза єст, як видиме, барз широке и акция в том напрямі може принести великы результаты. Тому в каждом селі повинни свідомы единицы, а передовсем председателі читальн им. Качковского постарати ся, чтобы діло основаня кружка рушило вперед и то як найкорше.

Для основаня кружка треба, чтобы 7-ох людей собрало ся, выбрало председателя и членов правления и повідомило о том централю, т. єст Р. Рольничий Союз, Львов, Рувовского 22/II. Централю дораз высылат статуты, свою згуду и потребны информации што до зголошеня кружка в Старостві. До централі просиме также звертати ся за всякими информацией в той справі.

В. Ш.

## Война в Африці.

В остатном тыждні, по значных успіхах абисинской армии, инициатыва операции военных перешла знова в руки италийнов. Верховне начальство италийских войск определило нову военну тактику во восточной Африці. Тактика полягат на том, чтобы войска посували ся вперед так, чтобы не была перервана медже войсками звязь

и чтобы обсаджати так занятый терен, жебы унеможливити регулярным абисинским отділам и бандам всякы несподіваны напады. И абисинскы войска змінили методы воєваня. Давнійше они нароком утекали, оставляючи великы пространства италийским войскам. Але така военна тактика противит ся боевому темпераментови абисинских вояков, котры не любят отступати, а также приносит шкodu Абисинии, бо така военна тактика отдає в руки италийнов великы уроджайны територии, котры достарчают корму для их войск. Прото абисинскы войска боронят тепер больше завзято свою землю.

Однак помимо того, што абисинскы войска сут штораз лучше вооружены, не могут они рішити ся принять рішительного боя.

Италийны бомбардуют дальше Дессие и Ауссы, и робят снимкы тереновы. Италийны старают ся всіма силами подбурити против цисарови абисинскому расов и султанов поодынокых провинции абисинских, але тото ся им не веде. Навет магометанскы племена доховуют вірности цисарови.

Войска италийскы в Огаден задержали ся, а лівє крыло єст zagrożене абисинчиками, котры идут с Джимы и Аруси и могут отрізати италийнам тылы.

Войска абисинскы идут в трох напрамах: до Гаррар, до Огаден и Дессие.

### Шаленый день в Аддис-Абебі.

Столица Абисинии прожила перед килькома днями страшный день. Около год. 5-той рано, коли ище больша часть населеня спала, заалармовано місто, же зближат ся ескадра италийских самолетов.

Населенє, памятаюче страшны послідства бомбардованя міста Дессие, яке мало місце перед килькома днями, огорнула страшна паника и люды, тратуючи себе, почали утекати с міста. Парутысячна толпа гнала наперебіжки в напрямі недалекой дыпльоматичной дільниці, переконана, же той остатной италийны не будут бомбардовати.



Полиция не пустила их там и толпа погнала до ліса.

На терен посольства впустили лем білих, котрым также уділил ся паничний страх.

Шестеро дітей стратовали мулы и верблюды, перестрашены гуком стрілов, битєм дзвонів и бубнами. Паника дошла до зенита, коли на небосклоні появил ся аероплян. Отозвал ся гук стрілов армат зенитовых и тыркот машинных карабинов. Аж за якийси час познали, же єст то абисынский самолет комуникацийный, котрый возит каждого дня почту с Аддис-Абебы до Дессисе.

Алярм в столиці откликано. Минул однак праві цілий день, покаль повідомлено роспорошене населенє, же „опасность прошла“ и покаль выстрашене населенє вернуло до своих домов.

#### Подступ раса Сеюма.

На полночном фронті великий отділ италянских войск намірял переправити ся на другой берег ріки Таказе.

Повідомлений о том рас Сеюм, не могучи заатаковати ворога, приказал о пару кильометров повыше місца переправы шмарити до воды величезны кльоцы дерев, котры вода понесла прудко. Тратвы, на котрых переправляли ся италяны, розбили кльоцы и много италянов згнуло. На тых, котры уж переправили ся, открыл страшный огонь.

Як доносят абисынскы жерела, згнуло понад 150 вояков и затопило ся килька итвлианских армат.

### Комунистычный замах в Югославии.

Политычна полиция в Білграді выкрыла дві великы комунистычны организации, котры приготавливали в Югославии замах стану и убийство теперешного регента, кн. Павла.

Организации тоты были чинны, як ся тепер показало, на терені цілою Югославии уж от двох літ. Организации тоты мали власну тайну друкарню, в котрой били банкноты, кольпортованы масово, особенно в полудневых частях краю.

Одна с тых организаций обнимала своим акциом югославске населенє, а друга складала ся выключно с емигрантов с Росии, членов бывшой армии Врангля, котра по рішительной побіді большевицкой, достала перед літами право жити в Югославии и до тепер там жиє. До комунистычной организации належали не лем воякы врангловцы, але также много бывших офицеров, котры дознавали ся о діяльности штабов білогвардейских на эмиграции.

Организации послуговали ся власном радиостациом надательно-отберательном, при помочи котрой пересылали совітскому комиттернови шифровы телеграмы. Тота радиостация позволила полиции натрафити на слід организации, а переведена ревизия дала великий, обтяжающий материал. С того материала видно, же организация стреміла до выкликания большевизма в Югославии, а першим кроком до того мало были убийство кн. Павла.

Дотепер арестовано уж 114 проводыров обох организаций. В том числі єст 28. жен.

В Білграді найдено также великий арсенал комунистычный с великим количеством оружия, бомб и амуниции.

Власти білградскы держат в тайні подробности слідства и заперечают вістям о проєктованом перевороті и убийстві князя-регента. Признают лем факт существованя двох организации комунистычных.

### Грудень в саді.

Покаль не замерзне земля, єст все дуже работы в саді, звязаной с механичным управом ґрунту, як глубока, осенна орка, ручне перекопанє и навоженє саду навозом стаєнным, або штучным (помочничим). В разі, як настанут морозы, а мы не окончили ище навозити и не приорали розеззенного оборника, не треба поперестати в той роботі, але треба подливати дерева гнояницом и при том уважати, чтобы не ляти под пень дерева, але зляти равномерно ціле поле под короном дерева. Количества подливной гнояницы не даст ся означити, звычайно не маме єй за дуже, при том зависит также много, як мы ю переховуєме и яку она має вартость навозову. Навоженє дерев самом гнояницом, яко навозом потасово-азотным, вымагат весняного дополнения навозом фосфоровым, а то со взгляда на важну ролю того кормового складника, яку он отгрыват в осаджаню пучков квітовых и вытвореню овочей.

Штобы знижити ріжны шкодливы грибки, треба стало зберати и палити опадающе листє, а где зберанє єст утруднене, як нпр. в садах, в котрых землю оставлено в острых скибах, листє перекопати, або зняти разом с опрядами гусениц и спалити.

Также тепер треба соскребати попуканый лубок, вирізати сухы галузи и просвітлити короны дерев и опрыскати дерева карболином (5 процент Д. К. М. для яблоней и груш, а 3 процент для дерев пестковых). Опрысканє,—то наилучший способ нищення шкодников, можна того робити через цілу зиму в дні безморозны и безвітрны.

Як уж настанут морозы, зняти повересла, котрыма окручат ся дерева и спалити, а кору под нима вычистити и насмаровати карболином. Одним словом треба дбати, чтобы вынищити тепер якнайбольше овочевых шкодников.

#### Як робит ся масть на дерева.

Роспустити на слабом огні фунт живицы, додати пак пол фунта волового лою и добре змішати. Зняти с огня, остудити и додати столову ложку очищенной терпентины и 150 до 175 граммов спирта. Заварити и остудити. Барз добра масть, особенно на раны у дерев.

#### ЯК УКРАСИТИ СОБІ РІЗДВЯНЕ ДЕРЕВЦЕ.

Зближают ся свята и каждая дітина думат уж тепер и тішит ся, же ангелик принесе єй красне деревце, убане ріжнобарвными ланцухами, орішками, цукорками тісточками и свічками.

Родичи, помагаючи ангеликови убрати деревце, пополняют часто блуд, же купуют ріжны блищачи банькы, котры бють ся скоро и ніт с них ниякой користи. Правдиве „деревко“ посинно быти миле не лем для ока, але давати приятность свободного дотыканя и выбераня собі ріжных присмаков. Такое миле и практично убане деревко може урядити собі каждый без великих выдатков, если выкористат уміло плоды своего господарства.

Запасы доброго меду позволяют выпечи барз добры медовники, котры вирізаны в серденька, звіздкы, колечка, осемкы и т. д. и полжюкрованы, дадут прекрасну приодіву деревку, особенно, если завісеме их на ріжнобарвных паперовых ленточках.

Другу групу могут становити помальованы золотом и серебряном фарбом оріхы волоскы, котры припинат ся до галузок приклеєном до шкарлупы кольоровом волочком. Кто не хоче куповати оріхов волосковых, може прибрати деревко лісковыма оріхами, котры также малюєме и укладеме в пороблены с пуделок с сірников кошичкы або паперовы торбинкы. Обвинены в золотый папер головки маку и привязаны за конец гона до галузкы могут быти также небрыдком прикрассм деревка.

Кроме того ріжны цукры, а передовсем прекрасны червены яблочка, вытерты сильно аж до полыску флянельом, дополняют украшеня деревка, котре освітлене ярким світлом ріжнобарвных свічок и бенгальскими огнями, буде мати милый вигляд и буде для дітей правдивом утіхом.

#### ПЛЯГА ВОЛОКЫТСТВА.

В остальных часах роспаношило ся волокытство. От села до села тянут цілы ряды вандровных безработных и домагают ся нахально хліба и грошей. Часом иде их килькох и постава их єст так безвзглядна, же и найотважнійший дає што може, чтобы позбыти ся волокытов, котры рішили ся на всьо.

Бо такой безработный, як замыкат ся перед ним двери, не щадит проклятя, затискат писти и в ночи може убити, або подпалити.

Волокыты тоты крадут, килько влізе. В осени обрывали овочи, вырывали бандуркы и капусту, заглядали до стаєн и хлівов.

Найтруднійше огнати ся перед тыма волокытами єст священникам. Число священников, на котрых напали в остальных часах бандыты єст застрашающе.

Тому нич дивного, же на розличных собраниях ухвалят ся резолюции, завзываючи правительство до борбы и ликвидации волокытства.

### Во вторник Сейм ухвалил закон о амнести

Дня 17. т. м. ухвалено в другом читаню закон о амнестии для преступников политычных и администрацийных. В четверг дня 19.-го має закон о амнестии приняти Сенат так, же ище перед святыми закон тот буде оголошений в „Дневнику Законов“ и войде в житє.

В судах уж от килькох дней сепрегуют акты тых людей, котры скористают с амнестии и або опустят вязницу, або скористают с добродійства перечеркнення кар грошевых и иных.

ПОМІЩАЙТЕ

ОГОЛОШЕНА

В ГАЗЕТІ „ЛЕМКО“



СПРАВОЗДАНО С ТЫЖДНЯ ШКОЛЫ  
НАРОДНОЙ В ОКРУЗІ НОВО-САНДЕЦКОМ.

Сорганізоване „Тыждня“ от 2-го до 9-го жолтня попередило собранє Комитета Окружного Т-ва Поддержки Будовы Публичных Народных Школ, котре отбыло ся дня 12-го вересня 1935. р. в помещенію Инспектората Школьного под председательством Старосты д-ра М. Лаха.

Опорожнене місце председателя Окружного Комитета Т-ва П. Б. П. Н. Ш. в дорозі выбора обнял Инспектор Школьный А. Стефаняк.

Справы организации „Тыждня“ на терені округа новосандецкого порунено Пов. Комитетови Тыжд. Нар. Школы, в склад котрого вошли представителі организации, властей и институций с почетным председателем „Тыждня“, Повітовым Старостом д-ром М. Лахом и его заступником вицестаростом м-гром Ст. Мыцельским.

Городский Комитет Тыждня Нар. Шк. обнимал заряды Місц. Кружков Т-ва П. Б. П. Н. Ш., котры завозваны до сотрудицтва выдатно причинили ся принятєм участи в квесті и своем активном діяльностью в цілі приєднання новых членов Т-ва П. Б. П. Н. Ш.

В цілі вызнання большой жертвенности в часі „Тыждня“ в широких кругах сельских с инициативы Комитета „Тыждня“, місцевы народны школы в торговый день импониющим барвным походом с транспарентами перешли головными улицами міста, попереджаны оркестрами I. и II-гой гимназии.

Промавяючи до сердец и жертвенности написи на транспарентах, як: „не жалуй гроша на будову школ, — впиш ся на члена Т-ва П. Б. П. Н. Ш. и т. д. дали пожаданный результат. Улична квеста принесла больше, як в минувшом року.

Поважнійши ефекты грошевы дала ширша жертвенность публична и княжи дары свідомых одыниц и институций.

М-гр Фр. Цвиковский уплатил на руки Комитета зл. 85, Дирекция кино-театра „Ведза“ зл. 50, кино Сокол зл. 10. и т. д.

Всім, котры причинили ся до реализации цілей Т-ва, Комитет Тыждня Народной Школы складат сердечне благодаренє.

Комитеты місцевы „Тыждня Нар. Ш.“	
выслали чеками Правленю Комитета Окружн.	3860 зл. 19 гр.
за проданы наліпаньки	637 „ 80 „
„ „ жетоны а 50 гр.	255 „ — „
„ „ „ а 20 гр.	400 „ 60 „
„ „ хоруговки	929 „ 80 „
„ „ вывѣшки	280 „ — „
Разом	2503 зл. 20 гр.
за легитимации участников Т-ва, збор и импрезы	1356 „ 99 „
Разом	3860 „ 19 „

Оплата чеков и други выдаты выносили разом	59 зл. 95 гр.
Всі міста в окрузі собрали	2221 зл. 54 гр.
„ села „ „ „	1638 „ 65 „
Разом	3860 зл. 19 гр.

Новый Санч собрал за вартостный материал	933 зл. 84 гр.
Новый Санч собрал со зборов, даров и т. д.	403 „ 06 „
Разом	1336 зл. 90 гр.

Комитет Тыждня Нар. Шк.:  
Председатель: А. Стефаняк в. р.  
Секретар: Прокоп в. р.

ЖЕРТВЫ НА РУСКУ БУРСУ  
В НОВОМ САНЧІ.

В дальшом тягу на Руску Бурсу в Новом Санчі пожертвовала чит. им. М. Качковского в Милику суму 10 зл.

На том однак не належит закрыти листу жертводателей, бо на день 10 січня 1936 р. єст вызначена росправа в ділі бурсы перед судом в Кракові, с чим звязаны сут новы досыть высокы кошты. На кошты тоты мусиме ся знова поскладати. Передовсем повинни дати свою жертву тоты, котры до тепер нич не дали. Сут медже нима и такы, котры задекляровали жертву, але ей не вплатили. Тоты повинни поспішити ся с уплатом и выкликати других до пожертвованя. Процес мусит ся допроводити до конца без огляда на результат, а тымбольше в том случаю, где сут виды користного для нас оконченя процесса.

Жертвы належит складати на руки О. Романа Прислопского в Жегестові, або в Редакции „Лемка“ в Крыниці.

КАРЫ ЗА ВЫСШИ ЦІНЫ ЦУКРУ  
И УГЛЯ.

В звязи с обниженєм цін цукру и угля в цілом краю, Министерство Внутр. Діл поручило административным властям допильновати, штобы обнижены ціны так угля, як и цукру, были всяди безусловно перестериганы.

Всі, котры будут поберати высши ціны от дозволенных, будут отвічати карно перед судом.

## ЦІНА ЖЕЛІЗА ОБНИЖЕНА О 10 ПРОЦЕНТ.

Министер торговлі и промысла подписал в мунувшом тыждні зарядженє, вводяче обниженє цін желізных выробов о 10 проц.

ВЕЛИКА ЗЛИВА В ГРЕЦИИ  
И ЮГОСЛАВИИ.

От долшого часу ліют в околицах Македонии, Тесалии и инших уливы дожджи, котры споводовали выступленє воды с рік. Вода поробила величезны шкоды. Правительство поспішило потерпівшим с помочом. В Тесалии в виду перерваня комуникации, выслано самолеты, котры довозят провианты отрізаному от світа населеню.

Комуникация жел.-дорожна медже Атенами и Македониом єст уж на ново навязана, але рух меженародный єст дальше вздержанный в виду зливы в полудневой Югославии.

Великы шкоды вырядила злива в полудневой Сербии, где много місцевостей заляла вода. Комуникация колова и жел.-дорожна на штречи Білград—Сальоники перервана.

ЕГЫПЕТ ЖАДАТ ПОЛНОЙ  
ЗАВИСИМОСТИ.

Вість о приверненю констытуции выликала в Египті велику радость. Через улицы міста Каиро перешла 4-тысячна толпа населеня, котра домогала ся полной независимости.

Манифестанты перевернули килька трамваев, што задержало уличну комуникацию. Серед населеня и в кругах политичных єст занепокоєнє, бо манифестации уряджено также и в других містах, як Александрия

и Порт Сед. В часі манифестации розбито килька склепов и ранено тяжко одного англицкого полициянта.

ПРОЦЕС О УБИЙСТВО МИН.  
ПЕРАЦКОГО.

По переслуханю обжалованных приступлено до переслуханя свідков. В виду того, же суд має переслухати ище перешло 40 свідков, процес провлече ся аж на по святых. Выроку сподівають ся в другой половині січня 1936-го р.

## ПОЖИЧКА НА РОДИННЫ СПЛАТЫ.

Министерство Рольництва переказало с державного Скарбу Банкови Рольному суму 4 милионы злотых. Гроши тоты має поспожичити Банк Рольный тым газдам, котры, не хотячи ділити своего невеликого грунту, потребуют грошей на сплату родины.

Трафят ся не селі так, же газда, маючи килькоро дітей и невеликий грунтик, ділит тот грунт помедже дітей, бо не має чим их сплатити с грунту. Штобы не допустити до такого роздробленя грунту, Банк Рольный буде давати пожичкы на сплаты с грунту малым господарам грунтовым, што мають от 5 до 15 гектаров землі.

Пожичкы будут давати от 1500 зл. на 1½ процент от ста рочно. Пожичку має ся сплатити полрочными ратами через 28 літ. Пожичка мусит быти заинтабульована на грунті пожимающего.

О тоту пожичку на родинны сплаты могут ся старати в отделах „Рольного Банку“ властителі господарств, положеных в воеводствах полудневых, всходных и осередных.

Сума, Perezначена на тоты пожичкы єст мала. Она не заспокоит напевно запотребованя населеня, але пожичкы такы повинни давати в першой мірі жителям гор, бо роздробленє горского грунту увеличит ище сильнійше нужду в горах.

В виду малой сумы, Perezначеной на тоту ціль, треба понагляти ся с вношенєм подань о пожичку.

Обще рочне Собрание  
ЧЛЕНОВ ЧИТ. ИМ. М. КАЧКОВСКОГО  
В ПЕРЕГРИМЦІ

отбуде ся в неділю, дня 29. грудня 1935.  
о год. 3-ой пополудни во власном чит. домі.

## Програма собрания:

- 1) Открытє собрания и выбор презыдии.
  - 2) Отчитанє протокола с послідного общего Собрания.
  - 3) Справозданє с діяльности выділа за послідный рок.
  - 4) Справозданє касове с чит. склепу за послідный рок.
  - 5) Уділенє абсолютории уступающему выділу.
  - 6) Выбор нового выділа и ревизийной комиссии.
  - 7) Внесеня членов.
- Просиме принять численну участь в собраню.

За выділ:  
Петро Федорчак, предсід.  
Стефан Фецина, секретар.



## Што чути в світі.

**Льондон:** Запас золота в Сполучених Державах перевищат тепер 10 миллиардов долларів. Єст то небывалый до того часу запас золота в Амерыці.

**Відень:** Ведля информации амерыканской агенции прасовой, в Абисинии здавало ся уж, же выбухнут розрухы домашны и приде до борбы медже поодынокыма расами. Слухы тоты однак не оправдали ся и в Абисинии панує згода.

**Рим:** Газеты италянскы подають, же бывший цисар Абисинии Лидже Яссу жиє и же вість о его смерти подано со взглядов внутренно-политичных.

**Талин:** Естонска агенция прасова оголошат комуникат: В ночи 8XII. полиция выкрыла тайне собранє проводыров нелегального руху комбатантов, Арестовано 20-ро люда. Заговорчыкы наміряли дойти до власти силом. Теперешне правительство, президент республики и начальник оружных сил мали быти увязнены. Пак мали покликати нове правительство Артура Сирка, проводыра комбатантов, котрый тепер находить ся в Финляндии яко емигрант.

**Москва:** Совітске правительство по катастрофі самолета великана „Максим Горький” зарядило будову 16-ох новых самолетов подобного типа. Пляны тых самолетов оканчили тепер совітскы инжинеры. Самолеты будут мати по 6 сильников, каждый о силі 1.250 коней, што робит лучну силу каждого самолета 7.500 коней. Самолеты мають быти готовы на 1-го мая 1936. р.

**Аддис-Абеба:** Итальянскы самолеты збомбардовали головну абисынску кватеру в Дессіє, где жиє тепер негус, што выкликала величезну наньку серед войск негуса. Убито около 30-люда и ранено около 100. Пару бомб упало на шпиталь амерыканского Червеного Креста, што выкликало в Амерыці сильне обуренє.

**На Морі Каспийском** уратовано около 5000 рыбаков, котрых буря унесла разом с корабельчыками. На оторваных от берега кригах находить ся ище 1200 рыбаков.

**В Красноярску (Сыбир)** занотовано в тых днях 56 градусів мороза.

**В Льондоні** от кількох дней єст так сильна гмла, же утруднят комуникацию. Гмла єст так густа, же в многих місцах уставлено нарочны походні світляны, котры показують дорогу.

**Ню Йорк.** Ведля статыстыкы число безработных в Амерыці доходить до 15 миллионів.

**Москва:** Совітске правительство намірят оддати колонизацийны терены для жидовских емигрантов с Німеччины во восточной Сыбири. Представитель Совітов зложил предложє комисарови помочи жидовским емигрантам с Німеччины в Амерыці.

**Москва:** В Совітах на січень заповіджено обнижку всіх товаров от 15 до 40 процент. В звязи с тым мають обнизити также поборы урядникам и роботникам о пару процент.

**Парыж:** Француске правительство зарядило дня 10.XII. росписанє внутрєнной пожичкы 2 миллиарды франков, котра має быти перєзначена цілковито на ціли краєвой обороны.

**Парыж:** Цисар Абисинии отшмарил мирны предложєня француско-брытыйскы. Пропозыции тоты предвиджали отданє италиянам пространства 150.000 миль квадратных, т. є. близко половину Абисинии.

**Льондон:** Египетскый король Фуад подписал декрет, привертающий египетску конституцию с 1923 р.



## Вісти с краю.

**Варшава:** Ведля информации амнести не обнимат преступников, котры дійствовали против опасности державы, фальшовали и подрабляли гроши и вартостны паперы и дійствовали на шкodu Скарбу Державы. Также с амнести не могут користати тоты, котры перед каром утекли за границу, як нпр. б. посол Витос, Керник, Либерман и Багинский.

**Варшава:** Рада Министров ухвалила проєкт декрету, котрый має на ціли обниженє примусовой асекурации будынків от огня.

**Новый Санч:** Суд в Новом Санчі засудил Франка Невядомского на 3 літа вязниці за убийство, яке пополнил он в жолтні т. р. на особі господара в Крыниці Селі, Павла Шевчика.

**Новый Санч:** Дня 10 т. м. отбыло ся засіданє Рады Повітової в Новом Санчі, выбрано делелета до Воеводского Выділа. Делегатом выбрано Предсідателя Лемко-Союза д-ра Ореста Гнатышака, адвоката с Крыниці.

В том дні выбрала также новосандецка Рада Городска члена Воеводского Выділа в особі президента міста м-гра Станислава Новаковского.

Дня 22. грудня т. р. о год. 10-той  
отбуде ся  
в Горлицах в помещені Руской Бурсы

### Обще собранє Членов Лемко-Союза.

Програма дня слідуєча:

- 1) Отрытє Собраня и выбор президи на час Собраня.
- 2) Доклад с діяльности правленя за рок 1935.
- 3) Доклад касовый.
- 4) Уділенє абсолютории.
- 5) Дополнителный выбор правленя.
- 6) Выбор Контрольной Комисии.
- 7) Обсужденє религийных діл в звязи з назначенєм Апостольского Администратора.
- 8) Обсужденє школьных діл.
- 9) Уложєнє програмы работы на рок 1936.

Просиме приняти в собрані численну участь.

Правленє.

**В Пивничні** ареставано листоноша, котрый отверал амерыканскы листы, выбирал с них доллары и аж пак доручал их адресатам.

**Краков:** Дня 22 гурдня вложат крысталову трумну, в котрой лежить тіло бл. п. Маршала Осифа Пилсудского, до металевой трумны, котру погодивше помістят в саркофагу.

**Варшава:** Вышол декрет Президента Р. П. в силу котрого склепы будут в суботы и дні передсвяточны отворены до год. 9-ой вечером.

Министерство Финансов выдало зарядженє о счеркнені незаплаченого податку от 1-дно и 2-комнатных льокалей, за час от 1. січня 1935 р. Припис тот входит в житє аж 1. січня 1936 р.

**Вицемаршалом** Сената на місце д-ра Свигальского, котрый єст заименованный Краковским Воеводом, выбрано сенатора Баранского.

**Варшава:** Ведена правительством акция обнижки цін артыкулов товаров промысловых має быти окончена перед латинскыма святами Рождества Христова.

### В ЗИМІ ОТБУДЕ СЯ В КРЫНИЦІ СЕЛІ курс ткацкий

Оплата за науку на курсі выносит 2 зл. Участники курсу не достають помещеня и удержаня. Курсанты мусят приготовить льняну, або волняну пряжу. Мусят они обовязати ся перестерігати рыгор школьный.


Зголошеня принимат администрация газеты Лемко в Крыниці.

КТО ХОЧЕ ЗАБЕЗПЕЧИТИ СЯ  
НА СТАРОСТЬ, АБО ЗЛОЖИТИ ДІТЯМ  
ПРИДАНЕ, НАЙ  
заасекує ся  
в Асек. Товаристві  
Вита и Краковске  
во ЛЬВОВІ

Дня 22-го грудня

на Собрані Лемко Союза в Горлицах  
можно буде купити собі

красный календар „ЛЕМКА”  
на 1936-ый рок  
за 50 грошей.



Глядам дівчину честну, здорову и роботу до малого хозяйства на рок 1936-ый.  
Зголошеня посылати: Православн. Свящ. Стефан Пашкевич, Перунка почта Грибов.

